

四庫全書

史部

欽定四庫全書

平定兩金川方畧卷十二

十二月庚午溫福五岱奏言臣等帶領滿洲綠營官兵共二千名從山神溝起程十八日至向陽坪地方臣五岱察看巴朗拉山勢實為峻險惟水晶灣小路尚可繞越因適降大雪路徑為雪所封亦難行走但官兵已與賊人相近再無退回之理而鄂克什土司色達克拉遣其弟冒圍潛出稟稱寨

內糧已將盡祈速救援若不奮迅進兵賊勢益張
鄂克什土司倘不能守致被賊番吞佔更難辦理
查巴朗拉山頂賊曾建有大碉七座又於右手山
梁設卡聯絡防守然官兵前往盤石可以遮身至
其上尚有高峯而東手兩碉之間又有一峯此二
山峯較之各碉俱屬高峻若分兵一隊將右手山
梁卡座奪取佔據高峯再分兵一隊將兩碉中間
山峯佔取由是向下夾攻使賊勢不能相接必至

棄碉卡而逃公同籌定臣五岱帶領滿洲兵一百
名綠營兵八百名前行又派滿洲兵五十名綠營
兵四百名莽堪察帶領接應臣溫福帶領滿洲兵
五十名綠營兵四百名隨後進發二十一日寅刻
自向陽坪起程約行二十餘里大霧迷漫乘賊不
備臣五岱隊內派巴圖魯頭等侍衛喬蘇爾藍翎
侍衛三達爾總兵福昌等帶領綠營兵二百名自
右手上山臣溫福又派瓦寺土兵百餘名令委署

翼長官達色巴圖魯三等侍衛烏什哈達帶往接
應喬蘇爾等一同上山將右手山梁賊人所立十
座分頭攻克臣五岱隊內又派二等待衛額森特
阿爾蘇納等帶領滿洲兵五十名綠營兵二百名
奪取東手兩礮中間山峯臣五岱帶領所剩滿洲
綠營官兵同侍衛明仁新達蘇委署叅領巴彥泰
等在賊人兩礮對面佔據山岡放礮轟擊臣溫福
隊內又分綠營兵二百名給與侍衛賡音素前往

接應其餘綠營兵丁臣溫福自行帶領駐於五岱
之後以防左手碉卡內賊人抄截復令右手山梁
頂上之兵排列助威維時額森特阿爾蘇納等奮
勇爭進先將東手兩碉中間山峯奪取復經副都
統恭堪察同已圖魯委署翼長占關納三等侍衛
鄂爾霍善及賡音素彰靄等帶兵將山峯右手山
坡佔據圍住賊碉爲蘇爾三達爾官達色烏什哈
達福昌等奮勇上登連奪賊卡六處佔據東面碉

後高峯臣等相度兩山卡座賊人所築攔路卡牆其內賊衆不過數百為數雖亦無多惟是賊人狡詭並不出來接仗藏於卡碉之內放鎗擊打及至我兵直抵碉根又復推擲大石如雨下擊自己刻環攻迄於日沒昏夜不能放礮臣溫福帶領官兵進至額森特等所據山峯根下分布堵禦時至二更來援之賊連衝二次均被官兵擊敗無如臣等所領綠營皆曾隨董天弼等打仗連次受傷心存

畏怯守至二十二日子時突有賊人兩喊來衝綠營兵丁互相驚亂紛紛退下將已佔山峯失去是時臣五岱帶領侍衛正在迎射來衝賊衆未能禁其退回致各兵擁入臣溫福隊內臣溫福帶領阿桂迎頭攔住並用刀箭立斃數人衆始稍定臣五岱隨即到來公同商議復又整兵進攻而賊衆並不迎戰仍在礮內抗拒攻至已時未得接仗且山上積雪甚深亂石之間並無柴薪可供燒烤難以

安立營盤臣等謹遵

皇上不可撲礮多損官兵之

旨暫行收兵即在向陽坪駐札此次打仗所斃賊衆甚
多滿洲官兵內巴圖魯委署翼長占闡納陣亡巴
圖魯前鋒叅領納蘭圖脇被鎗傷回營後身故副
都統莽堪察肘被鎗傷兵丁內亦有十數人受傷
而綠營員弁兵丁亦有陣亡受傷者至叅將闡泰
年踰六旬忙亂之際由山峯滾下雪中生死未明

俟查明照例辦理臣等看來四川綠營業已畏怯全不可用俟黔兵三千到日另行相機攻勦又奏言臣等一到巴朗拉因急欲接應董天弼救援鄂克什土司冒昧進勦以致占闕納納蘭圖陣傷亡故請將臣等嚴加治罪又奏言川省總兵內並無經歷行陣之員且均已調赴軍營即將領中亦無實在可用之人所有續調黔兵二千已行令威寧鎮總兵王萬邦統領至請調陝甘之兵並懇

皇上天恩于該省提鎮內酌派一二員統兵赴川更為
有益奏入

上諭曰溫福等帶領滿洲官兵攻打巴朗拉碉卡殺賊
頗多殊屬實心任事惜其時兵數無多而綠營士卒
又皆懦怯不克成功溫福五岱何罪之有俱仍著交
部議敘至我滿洲官兵不過數十名而全無顧慮惟
知奮勇方不愧為我滿洲臣僕甚屬可嘉此內侍衛
章京等有分外著績應賞給巴圖魯名號者著溫福

等奏聞賞給仍將効力官兵一併查出交與該部從優議敘所有滿洲綠營兵丁內受傷陣亡者亦著查明造冊咨部照例議卹至占闢納納蘭圖向在軍營均屬奮勇此次歿於行陣殊為可惜著格外施恩將占闢納納蘭圖本身原有軍功世職合計此次應予何官查明加贈並將伊子帶領引見

上又諭內閣曰五岱進攻巴朗拉殊為黽勉著加恩補授正黃旗蒙古都統

同日桂林阿爾泰奏言臣等于十八九等日用砲
晝夜轟擊賊番碉卡殘缺更甚頗見驚惶隨于二
十日商令將領等選派備弁揀撥勇健兵丁並暫
時抽調附近防守之兵于二十一日黎明合力分
取各碉賊于碉內壕中及山崖石洞放鎗拒敵我
兵聲勢奮揚分路齊上搶佔碉卡賊番驚潰奔竄
生擒四名殺死一百十三名割獻首級三十一顆
其尚有不及逃出者退守官寨及大碉二座仍于

碇寨內放鎗我兵四面圍合至是夜亥刻賊番於
東面山溝潛來救援其碇內被困各番亦欲衝突
而出官兵施放鎗砲擊敗救援之番又擒賊番二
名殺死三十四名割獻首級九顆所有約咱地方
已全攻獲此次進攻副將宋元俊仰受

天恩深知感奮叅將薛琮都司沈寬往來督率奮勇攻
撲甚為出力因賊番於各崖洞內潛伏放鎗以致
陣亡兵練三十二名其帶傷及勇往殺賊弁兵臣

等分別賞賚外業經存記俟有應陞缺出即請補授以示鼓勵審訊生擒賊番供稱俱由別寨調來此地情形未能深悉其約咱頭人亦被大兵鎗斃等語當將賊番全行正法臣等復親至官寨查閱只有些微糶粃蘿蔔此外並無別物至僧格桑聞約咱已失勢必并力固守卡了若進取稍遲該酋得以預為準備查札功拉東山梁尚有碉一座石卡數處並繞過東山背後猶有數碉俱係賊番防

守臣等先派兵繞山攻奪併分兵由西面山溝攻
取喇嘛寺一面酌抽各隊官兵俟東山梁礮卡一
得即速搭橋克期前進乘賊人喪膽之時直取卡
了以期深入奏入

上諭軍機大臣曰據桂林等奏攻得約咱賊寨辦理大
有起色可見事在人為桂林能實力奮往遂見速效
前已授伊為總督似此方克受朕恩眷其在事敢奮
著績之副將宋元俊現降旨賞給總兵銜叅將薛琮



都司沈寬等並交部從優議敘以示獎勵阿爾泰前此養癰玩寇咎無可辭但此次攻碉頗得大砲之力鑄砲乃阿爾泰所辦朕不肯沒其善亦有旨賞給散秩大臣銜令其仍督辦糧餉等項以觀後效至所稱一面分兵由西山溝攻取喇嘛寺一面抽調各隘官兵攻取東山梁碉卡一俟攻得即由河口趕搭浮橋克期前進直取卡了以期制勝等語所辦甚合機宜桂林等於攻得東山後即速搭橋濟師以徑趨美諾

乘賊人喪膽之時使之猝不及備自可迅望搗穴擒渠益加努力佇聽捷音至董天弼在甲金達山梁逗留不進并已經攻取之牛敵得而復失與前在德爾密時得卡不能固守俱有應得之罪且伊自赴西路以來至今已將半載遷延玩日及由山神溝至木坪堯積又復紆繞程途致賊酋得以處處預為準備是小金川之事始終由阿爾泰董天弼貽誤所致今阿爾泰已經革職董天弼厥罪惟均豈宜令其仍任提

督况現在巴朗拉一路兵力既單又俱係董天弼在山神溝挫失疲憊之餘不堪應用此更量天弼調度乖方咎無可逭已有旨將董天弼革職提督留於軍營當兵効力贖罪所有提督員缺即令阿桂署理著將董天弼交阿桂差委如再不知改悔退縮玩悞即在軍營正法示衆至甲金達一路距美諾不遠且為援解達木巴宗最要之處攻剿不宜稍緩阿桂奉到諭旨迅即馳赴甲金達軍營接印任事督兵速往解

圍前此鄂克什土司曾遣其弟投稟俟官兵一到即
行向外夾攻其勢自易阿桂務須努力為之再朗拉
拉一路距美諾不遠後冰凍尤難著力且綠營土練
為數既少又皆畏蒞不堪倚仗惟滿洲兵二百名究
覺單弱率爾奮銳進攻實無把握况賊人悉衆抗拒
碉卡既堅自難專以力取溫福等不可不慎至避碉
覓間固為出奇制勝之策但山神溝小路賊已設卡
阻拒難以再往而畢旺拉一路亦恐賊人潛已設防

不可墮其狡計前已有諭旨溫福不宜造次進兵務
遵旨詳審而行且閱桂林等前奏地圖形勢約哨距
美諾為近而巴朗拉相去甚遠似巴朗拉一路非勦
賊捷徑即圖樣不甚真確亦斷不至相懸太甚此時
桂林等已督兵由約哨進攻美諾若已擒獲僧格桑
則已朗拉賊衆不待攻而自潰若賊酋就縛稍需時
日而溫福遠隔賊巢與賊衆相持不能遽下似為非
計且桂林等現已乘勝進攻美諾其後路亦不可無

官兵策應以防賊衆繞路截我餉道朕意留總兵一員統兵在巴朗拉駐守以綴賊勢溫福卽往約咱一路以壯聲援或覺合宜但此乃遙度溫福當酌而行之

臣等謹按董天弼身任四川提督彈壓番夷原其專責乃不能撫馭得宜以致跳梁相繼及出兵之後於德爾密甲金達兩次挫劒卽予以失律之誅亦所應得乃猶以改路進兵稍見勇往

屢下

明旨冀其努力自新直至始終貽誤然後加之罷斥蓋委曲矜全之

聖心固不忍以一眚遽棄如此也

上又諭軍機大臣曰昨據文綬等奏接准川省咨調陝甘兵三千名已派定總兵書明阿統領並派帶兵副遊都守六員多選鎗手調取火藥鉛丸以備克期調發等語現據桂林等奏業已攻得約咱督兵深入自

此各路會合夾攻及時厚集兵力掃穴擒渠可以克期前進所有陝甘已派定之三千兵自應迅速前進以資協助著傳諭書明阿即帶領所派官兵立即起程赴川並諭文綬畢沅督飭沿途地方將一切夫馬口糧駐宿等項妥協料理具火藥鉛丸迅速運往備用毋得稍有遲悞

同日溫福五岱奏言臣前到汶川酌派護軍叅領巴圖魯德保侍衛伊爾庫前往副將五福營盤一



同領兵由畢旺拉進勦今據德保等報稱十一月
初十日抵雜谷腦會見五福其所帶綠營兵六百
餘名土練八百餘名除防守各要隘外僅剩兵練
八百餘名次日職等由雜谷腦起身行至二道橋
險仄凍滑不能乘騎皆下馬步行至十五日始到
畢旺拉十六日復行三四里見積雪深至二三尺
不等不能前進又派土練兵丁覓路至十餘日外
積雪更深並無道路等語查臣等現在屯兵之處

三日大雪所積甚深則德保等所稱畢旺拉情形似無謬妄臣等思五福等所帶兵練不及一千以此進攻亦不能勦洗賊衆查雜谷腦一帶地方本係川省松潘鎮所屬松潘鎮與甘肅接壤臣等擬即於

皇上所撥甘肅兵內有營分與松潘鎮相近者即令調派二千徑往松潘俟此項官兵到日合以五福之兵共得三千自可一同進勦已咨明文綬並劄行

德保等遵照辦理奏入報

聞

上又諭軍機大臣曰桂林等奏到各土司地圖詳細閱
看竟係跬步皆山畧無平地果爾則番夷於何處耕
種資生恐圖未必盡確至小金川雖與金川接壤但
僧格桑之美諾賊巢在河東岸逆首設欲竄往金川
中間尚隔一河若於河口橋梁處所撥兵堵截逆首
豈能飛越遠颺此圖如果確真則沿河斷賊去路自

為要策溫福桂林亦當留心籌畫及之又就圖而論約咱與美諾南北相去不遠中間僅隔一河今桂林等奏于攻得東山碉卡後即趕搭浮橋濟師官兵一經渡河即可直搗賊酋巢穴頗為徑直是官兵必當於此路進勦至巴朗拉在美諾極東北計程幾三倍於約咱何以轉指為勦賊正路尤為未喻再前次攻勦金川從小金川取道進兵其路正遠何以當時由此一路該處必有能知其詳者著溫福桂林逐一確

核一併于圖內粘簽聲說呈覽

甲戌

上諭軍機大臣曰昨桂林奏進圖內有僧格桑碉卡亦大且逼近美諾橋與賊巢要隘相接之語今分兵攻取是否可以越過其地未能深悉著桂林等將現在已經攻得某地進至某處各情形迅速馳奏至此次辦理小金川一事本非得已小金川以服屬土司敢於跳梁肆惡抗拒官兵非搗穴擒渠不足以示創懲

况僧格桑拘制其父豕突鴟張尤為

天理所不容今大兵分路進剿設使僧格桑勢窮力迫竄入金川而索諾木冥頑梗化桀驁不馴其勢斷難中止豈可一任而凶豎狼狽為奸漸致蠶食鄰近土司甚或擾及邊境尚復成何事體我大清正當全盛之時中外一家豈容近徼彈丸獨軼化外此時及早儆戒尚不至漫無底止溫福桂林不可不深體此意也至桂林等日前奏到之圖詳細較閱總覺約咱近於

美諾而已朗拉較遠復將金川方畧舊圖參閱其形勢約畧相同何以溫福等反指已朗拉為正路得毋輕信嚮導人等之言致有岐悞耶溫福等再行確按方位詳繪一圖並將內地有印土司如鄂克什小金川等共有幾處及郭羅克等番人又有幾處其金川之外又係何地逐一查明繪入詳細粘簽貼說使指掌了然不可舛漏再將來平定後或如青海西藏之例專派大臣一員駐扎明正地方責其管理一帶番

民交涉事件及一切軍務番情驛站等項於邊務似
為有益是否可行必須詳核該處實情難以懸定又
番地名字多係西番語音如刮耳崖等名其本音並
不如此皆係綠營字識信手妄書遂至差之毫釐謬
以千里方今一統同文凡屬舊部新藩地名無不悉
協本來音韻豈有邊徼諸番轉聽其名譯素淆之理
此等西番字音必當以清字對之方能悉叶此後應
將番語譯出清字再由清字譯出漢字始不至如前

此之鄙陋可笑以上各件溫福桂林宜逐一留心查
辦詳細奏聞

丙子溫福奏言

臣

查汶川縣所屬挑關原有索橋

基址乾隆十二三年間進征金川均由於此嗣因
事竣拆毀臣思官兵由挑關出口直抵草坡不過
三十餘里若從挑關前抵汶川再由碶頭而至草
坡計程一百餘里中多兩站均係羊腸鳥道官兵
難于行走且多夫馬運腳之費自應速建索橋以

便遣行因即飭松茂道查禮迅速成造茲據該道稟稱已于十一月二十三日工竣奏入

上嘉之

同日溫福又奏言

臣

查阿爾泰抄寄案卷内有千

總崔文傑探得索諾木派兵欲阻我兵糧道經宋

元俊措詞譯諭索諾木始將土兵撤去臣揆此情

形是小金川辦後索諾木亦未必帖然自不可顯

預了事現蒙

諭平定小金川後即將官兵留住併派京兵二千名赴川克日奏績查滿洲勁旅較綠營倍為得力自應及早選派預備為乘勢併剿金川之用惟此時小金川猶未攻破索諾木之是否敢於庇匿僧格桑仍佔革布什咱尚在未定而近日南路如何辦理尚未知其實在臣一面札知桂林以便通籌熟計另行據實具

奏至原調之貴州兵三千名頭起已到其餘五起初

十日間即可到齊昨又蒙

恩諭令貴州續派二千名陝甘派兵三千名速赴川省
復准桂林等招募新兵五六千名以資分布總計
新舊官兵為數已多攻勦自屬足用惟查逆首恃
其險阻每遇山路陡仄之處以少禦多故必分路
同進則賊匪不能抵拒一路攻破各路皆如破竹
臣現在通籌全局查有維州以外之畢旺拉曾頭
溝等處從前征勦金川大兵曾經取道於此若由

曾頭進攻與澤旺現住之底本達地方最近茲據
福昌稟稱三離谷土司情願派調土兵隨同勦賊
若賞給鹽菜口糧比衆土司還要出力並求必滅
小金川不可又饒之語臣思三離谷又素稱強壯
如果統領得人又有漢兵督率自能得力現在副
將五福處除分駐各隘外存兵無多不足以資
攻勦而此路究不可無兵以分賊勢臣擬于現調
陝甘兵內分撥固原兵一千名即令原派帶兵之

總兵書明阿於入川後就近由松茂一帶前抵五福軍營與五福處舊存兵數百名並帶三雜谷土兵二三千名會齊進發畢旺拉現雖未可進兵其畢旺拉以西之曾頭溝原係從前進兵大道為小金川後戶且與三雜谷亦近應即令其由此路進剿至前往三雜谷挑撥土兵必須妥幹大員經理查松茂道查禮尚稱幹練能事三雜谷本其所轄且甘兵到川亦應該道迎往料理即令查禮馳赴

三離谷會同五福將三土司所有兵練就其實在
情願出力者挑選健壯二三千名並即傳集各土
司愷切曉諭以小金川如此負恩不法此次必全
收其地擒獲僧格桑斷無姑貸之理現在大兵分
路進攻原不藉爾土兵幫助因爾等懇求誠切是
以酌調每處若干爾等如果實心出力成功之後
大皇帝自必優加恩賞並令該道照例酌給口糧等項
以資日用派有總兵大員帶領漢兵督同前往於

攻勦自可期其有益其南路桂林處現有兵八千
餘名又准募新兵五六千人昨據各屬陸續具報
已募得數百名將來自不難于足數是南路已足
數分駐進攻之用惟董天弼木坪一路與達木巴
宗最近原屬緊要之地臣擬令貴州續調之兵二
千名一入川境即逕往董天弼軍營以壯聲勢至
臣等駐巴朗拉軍營俟原調之貴州兵三千名陸
續全到即當相機督辦所有現調之陝甘三千名

除派往曾頭溝一路外尚餘甘省兵一千西安兵一千應仍令其趕赴西路軍營備用奏入報

聞

同日桂林阿爾泰奏言查約咱東山梁碉卡賊番尚在據守以阻我兵繞山進攻之路臣等督率官兵連日奮力攻打並分撥兵練堵截救援賊人勢孤膽怯于二十五日潰散奔逃我兵乘機掩殺搶獲大碉一座石卡五處追過山梁又有賊番堆砌

平碉四座上下大小石卡二十餘處約亘里許賊見山梁已失官兵攻撲甚緊勢窮驚潰我兵趕殺共鎗斃十三名隨將所獲碉卡佔據其約咱西面山內之喇嘛寺查探路徑中隔山梁兩道並有懸崖賊番已將臨崖偏橋拆斷其附近寺旁北面山梁尚有數碉賊人於中藏匿現用大砲攻擊仍另覓路攻奪喇嘛寺並差熟諳土人潛赴卡了密行偵探據稱居住該處番民于未失約咱之先該酋

盡行調赴他處守禦卡了番衆悉屬別寨人民互相撥換一時未能招撫臣等親至河干相度卡了形勢兩山環互路徑偏仄東面山坡險要之處排列堅礮其可望而見者已約有六七十座對面山梁礮卡亦多防守甚固臣等令將前脩木植即多撥匠役星夜趕搭浮橋業已完竣現在酌抽各隘之兵克日渡河相機攻取查卡了一帶要隘均有礮卡若徒用砲轟擊勢必曠日需時探得卡了上

游對岸係小金川甲木地方須於喇嘛寺旁之北
山梁取路繞過山後便可直通甲木但山勢險阻
列有數碉現用大砲轟摧一俟攻得即便撥兵繞
嶺壓山密圖進取若能攻得甲木便已越過卡了
前後夾攻不但可以避堅碉並可斷其歸路較之
撲碉冒險似為妥速奏入

上嘉之

上又諭軍機大臣曰溫福奏現駐巴朗拉侯原調之貴

州兵三千名全到即相機督辦甚屬勇往任事但與賊力爭碉卡亦屬不易總宜遵照前旨審慎而行勿銳於輕進以期有濟又據稱畢旺拉西之曾頭溝係從前進兵大道挑撥三雜谷土兵同續調之固原兵一千名同往攻勦曾頭溝既有路可進自當選派將領統兵進攻且三雜谷強壯得用如果駕馭有方未嘗不可資其嚮道之益亦猶南路之克復明正侵地用巴旺布拉克底之力也據稱由曾頭溝進攻與澤

旺現住之底本達地方最近閱圖果然第美諾係僧
格桑巢穴自應急為攻取擒獲凶渠則其餘要隘不
攻自解至底本達不過澤旺所居其地僻處一隅即
使攻得亦未為據其要害且約咱一路前已攻取賊
寨今復攻得約咱東山梁卡現在趕搭浮橋繞道攻
取甲木桂林等既已得手即當乘勝深入其地距美
諾賊橋甚近較甲金達巴朗拉兩處尤為喫緊惟前
據桂林等奏該處除分撥防守外現兵只有二千名

恐賊人繞出官兵之後阻截三徑是約咱一路不可
無大兵繼進以壯聲援曾經傳諭溫福酌辦且桂林
等又攻得數處其險要路口既不得不分兵防守則
伊等所統之兵更不免于單弱今溫福奏原調貴州
兵三千初十日間可到統率進攻原可聽其留用至
所稱續調之陝甘兵三千名分一千與五福由曾頭
溝進攻餘二千名亦留於西路備用其續調之黔兵
二千令赴甲金達一路蓋溫福尚未深悉南路情形

仍以原數八千計算故謂可以毋庸再添今桂林等
既漸逼賊巢需兵甚急自當速為籌撥除原調之黔
兵三千已至西路無庸復行調往其續調之貴州兵
二千及陝甘兵三千已據該督撫奏報起程現諭帶
兵之總兵書明阿王萬邦兼程前進著傳諭溫福桂
林等酌量此兩處之兵何者可以先到即飛調二三
千名速赴約咱以為策應就現在情形而論約咱一
路最為緊要溫福等務須通盤籌畫迅速妥辦

上又諭軍機大臣曰溫福等奏稱貴州兵丁陸續到營
一俟全到即議取巴朗拉碉卡現在酌派滿洲瓦寺
兵數百名作為奪碉之勢時刻放鎗不令賊人得以
休息等語溫福等所辦甚屬可嘉但得巴朗拉後必
有隘守此隘始可進行前進若止圖進取後路無
兵接應賊番漸來抄截正屬可虞著傳諭溫福等一
得巴朗拉後必須計出萬全不可後路無兵率意輕
進

欽定四庫全書

平定兩金川方略

三

平定兩金川方略卷十二

欽定四庫全書

史部

平定兩金川方略卷十五

三至

員外郎_臣顧宗泰覆勘

總校官原任侍講_臣王燕緒

欽定四庫全書

平定兩金川方略卷十三

十二月戊寅

上諭軍機大臣曰桂林等攻得約咱以後現在統兵罕
入其後路策應之兵最關緊要昨已飛諭桂林等於
續調之陝甘貴州五千兵內量其可以先到者檄調
遄赴約咱一路以壯聲援但恐兩路官兵未能尅期
即至而金川所佔草布什咱地方距我兵取道章谷

之處不遠賊番性情詭狡萬一見官兵將抵賊巢兩
酋懼而相保或糾集賊衆由革布什咱而出阻我歸
路不但大軍孤懸可慮即餉道臺站稍有梗滯所關
甚重今進攻卡了現有桂林鐵保宋元俊等在彼督
兵勦擊阿爾泰即回駐章谷迅調就近兵練千餘於
要隘處所嚴禁防守將餉道驛站等事不時往來照
應以壯軍聲待續調官兵繼進方為周妥

庚辰溫福奏言查金川索諾木現在情形雖未敢

顯然助惡而彼此久已勾通屢詢據從鄂克什逸
出之人知索諾木曾遣頭人在美諾寨中幫僧格
桑辦事且據索諾木有賞給革布什咱地方不幫
小金川之語其要挾內地情殊可惡將來小金川
辦竣索諾木倘稍有不順斷不可不嚴加懲創庶
各土司皆震懾

國威而邊務可以一勞永逸惟是就今所有兵力以之
克復鄂克什勦滅小金川實已無虞不足若平定

小金川後移討索諾木自應厚集兵力方可濟事
查征勦金川以地勢而論跬步皆懸崖峭壁馬兵
無所施力即大臣官員亦皆步戰是以綠營未嘗
不可得力隣近省分中惟貴州陝甘二省尚可各
調二三千名行軍機要有備無患若令各該省先
為選定豫備如勢須添兵則臨時一面奏

聞一面飛調自無遲悞而并可省多調京兵之煩奏入
報

聞

辛巳溫福奏言竊查提臣董天弼尚屬老成謹慎
久歷營務在無事時猶可循分供職但自督兵進
剿以來前於山神溝德爾密等處屢次挫衄及改
赴木坪一路又復遷延時日臣詳加體察董天弼
所帶川兵本皆選懦不堪自抵木坪又因夫糧未
齊未能迅速進取誠屬深染綠營習氣至總兵福
昌原屬無用之人打仗帶兵不知紀律難以期其

得力莫若另行

簡員補放庶于軍行有益奏入

上諭內閣曰福昌著革職留于軍營自備資斧効力贖罪其松潘鎮總兵員缺即著宋元俊補授

同日溫福又奏言臣查山川形勢本為軍行要務

但番境處處崇山疊嶺其程途之遠近道路之險

易從前約畧成圖不無舛謬若非得之目擊實難

憑信臣抵川以來前赴南路軍營行至清溪而返

所有章谷約咱等處情形無從得知確切至木坪
堯磧一路臣僅于經過雅州時詢知大槩其備細
之處仍未深悉若僅仿照舊圖繪畫終恐不無失
實至西路自汶川以外均為番地而由卧龍關山
神溝鄧仍以至巴朗拉此外即小金川賊人佔據
之地臣經歷各處步步留心體察是以就此一帶
詳細繪圖並將巴朗拉所有賊人碉卡一併繪入
恭呈

御覽至巴朗拉以外鄂克什小金川各寨臣雖未至其地但據地方官所送輿圖及詢之經過之人畧知

梗槩另繪一圖進

呈其間山川形勢及各處道路僉稱在在陡仄險峻臣因其說不一未敢遽為繪入將來攻得一處即將一處山川道路情形陸續補繪進

呈總期確切可憑不致稍有訛謬奏入報

聞

同日

上又諭軍機大臣曰朕以約咱一路與美諾相距不遠現已攻破東山梁碣卡逼近賊巢不可無續進策應之兵是以諭令書明阿王萬那何人可以先到即飛調二三千名速赴約咱其餘再行分給旋據桂林奏到尚需兵八千名適符朕之豫料即交軍機大臣議將續調之陝甘貴州兵五千名全赴約咱一路聽桂林等調用其尚需三千名之數並令文綬於陝甘兩

省再派兵三千名迅速赴川至曾頭溝一路溫福指
派書明阿帶領固原兵一千名會同五福進剿昨因
桂林等一路需兵緊要令陝甘貴州續調之五千兵
全赴約咱策應是固原兵即不能分往曾頭溝而桂
林等自得約咱後又攻破其東山梁等處碉卡現在
分路進取賊巢其兵力自屬多多益善若能攻得美
諾擒獲逆酋則其餘各路不待攻而自解倘桂林等
約咱進攻之兵畧需時日而曾頭溝為小金川後戶

或從間道進兵夾擊以掣賊勢亦未為不可著溫福
與桂林等彼此知會熟商應作何分路進兵之處妥
協辦理惟是溫福奏稱巴朗拉與約咱相去二千數
百里未及會商而桂林昨奏亦有相距巴朗拉往返
幾五千里之語溫福桂林同辦一事必須聲息時通
方可彼此會籌全局酌定機宜若按摺報遞京六百
里程限而計則二千餘里亦四日可達何至難于得
信恐此兩路文報往來其沿途驛站尚未能如摺報

之馳送迅速此於軍務甚有關係昨已令阿爾泰回駐章谷策應查辦軍站之事自可兼顧並令李本派委妥員將此兩路軍營臺站照摺報一體稽查催趲務令文移往返毋稍遲滯

壬午文綬奏言十二月初八日准溫福咨稱酌量進剿情形將固原兵一千名逕由松茂一帶直出維州會同副將五福進剿其餘二千名仍赴西路軍營但此項兵丁均係書明阿統領今該鎮既帶

兵逕赴維州所餘西寧兵一千並陝西兵一千名
應另派勇幹大員統領等語臣查興漢鎮總兵張
大經年力強壯辦事勇往堪以統領赴川且興漢
毗連川省進征尤為近便而陝西官兵業於十二
月初四等日經西鳳協伸泰等帶領在途統兵大
員尤不可緩臣飛檄張大經即由本鎮星馳前赴
沔縣寧羌一帶將伸泰等所領陝兵一千名即行
接管前赴軍營所遺興漢鎮總兵印務即令伸泰

前往接護其西寧鎮官兵亦於十二月初三四五等日起程由階州文縣一路入川省之松潘前赴軍營併歸張大經統領再查書明阿帶領之兵已於十二月初六初八初九等日起程臣令秦階道程國表等在文縣一帶照料臣亦親往鞏昌安定等處驗看官兵並照料起程奏入

上嘉之

乙酉桂林奏言竊照川省三路合攻小金川添兵

進勦兵數日多糧運日急若不通盤籌畫難以辦理裕如現在附近三路之各州縣均已碾辦倉穀運送軍營其所派遠處州縣如川東之重通始得從容轉運如川西之重慶夔州及川北之保寧順慶等處各距省一二千里派撥米石必須運至省城再行分解不特運價不貲亦且行期甚緩查成都嘉定二府素稱產米之鄉今歲秋收豐足若於此二處購買即可指日辦足當令兩司飛飭遠處

派米州縣不必碾動倉糧按照派定米數前赴成
嘉所屬各處採買催夫運送既可節省腳價并無
庸買補還倉且可於採辦之處即行起運更為迅
速至南路一帶自邛州以南山多路險人戶稀少
由清溪以至打箭鑪皆小土司所管更屬荒僻官
兵夫役絡繹載途覓食為艱現飭建昌道白瀛于
最近之清溪榮經兩縣碾動倉米分貯各站並於
續派米糧內酌量截留以備支發各夫口糧無庸

另支米折則夫役口食有資於轉運實多裨益其
巴朗拉堯磧兩路俱係近邊僻壤約畧相同亦分
飭兩路糧員體察情形畫一辦理至火藥鉛丸為
軍營最要之物臣前請調各省火藥此時諒已起
程當飭督提兩標中軍俟其解到全貯省城就近
分解三路庶為費不繁為期更速而各路均得實
用奏入

上嘉之

同日汪騰龍奏言臣接准四川督臣桂林咨調陝
兵二千名必須大員統領伏念臣受

恩深重仰懇

天恩准臣統領官兵前往俾得少進駑駘奏入

上諭曰即應前往勉力為之

同日桂林又奏言臣接奉

諭旨籌撥健銳等營勁旅二千用資會勦實較綠營倍
為得力但川省距京甚遠而約咱尤為三路中最

遠之處誠恐緩不濟急是以臣等奏請添調近川之湖廣貴州等省官兵八千名并招募新兵以供調遣具摺後即已咨行各督撫揀派近川兵丁迅速赴川此時諒已將次起程一俟到齊兵力儘足敷用自可無庸請益其僧格桑之父澤旺懦弱無能久被伊子幽於底木達地方僧格桑之兄亦早被其殘害將來辦有成局所有小金川地方臨時

再行請

旨酌定至臣于攻克山梁之後進取卡了因談處層列
堅礮賊番固守未便輕于撲取且西山梁尚有礮
卡必須攻奪喇嘛寺則後路既無返顧之虞間道
復有可通之境然後分兵繞截實為穩便昨探路
人回據稟喇嘛寺三面俱屬陡險難行談寺係各
土司喇嘛居住雖現為小金川佔據而各處喇嘛
尚多未散隨即密遣喇嘛二名潛赴談寺暗行約
會一面選派兵練俟彼處一有照應即行鼓勇登

山奮力攻取喇嘛寺以及附近寺旁各碉一面抽撥官兵乘勢奪佔西山梁碉卡以便截取卡丫迅搵巢穴奏入報

聞

同日董天弼奏言甲金達東北山梁有路通達木巴宗若由山梁前進現已積雪深厚惟查蒲松岡一路雖係樹木叢密而為賊番瞭望所不及臣現飭修開路徑擬於初八日督兵潛進至甲金達山

欽定四庫全書

平定兩金川方略

卷十三

十三

梁係進兵緊要總口已派兵一千三百名及各要隘糧臺撥兵九百餘名分布嚴密防守臣帶領兵練二千七百名滿兵四百名督催前進攻擊奏入上諭軍機大臣曰董天弼於十一月十五日退回甲金達軍營十七日奏稱覓路往解達木巴宗之圍何以直至二十八日始覓得蒲松岡之路又何以復遲至十二月初八日始擬帶兵前進看來董天弼深染綠營惡習全不知實力奮勉甚屬不堪前已降旨將伊

革職在兵丁上効力贖罪而令阿桂往署提督如阿桂到彼時董天弼業於蒲松岡一路進攻得手或距達木巴宗不遠諸事稍有起色則尚可留營以觀後効倘仍不知悔改即著阿桂將董天弼拿問鎖解成都嚴行監禁一面奏聞請旨定奪

丙戌桂林奏言據副將宋元俊稟稱金川頭人庸仲至營聲稱索諾木差來請安並致送禮物等語臣伏查索諾木與僧格桑狼狽為奸久在

聖明洞鑒今見大兵雲集差人親詣軍門焉知非陽為
恭順陰行覘我動靜而來狼子野心實可置之不
論但索諾木雖侵吞革布什咱地方尚無顯然抗
拒形迹若即遽行麾斥反啓其疑貳之心豫籌抗
拒將來移師問罪未免周章臣細加籌度莫若處
以靜鎮使彼毫無顧慮一俟平定小金川合兵攻
討出其不意索諾木不得不退地回巢束身歸命
其事更易于完結隨令帶領頭人進見據稱僧格

桑年幼無知圍攻鄂克什地方如今大兵進勸尚
不知認罪退兵索諾木曾經阻勸終是執迷不悟
特遣頭人請安送禮等語臣當即面諭頭人以朗
卡深受

天恩尚知愛法今僧格桑侵佔鄂克什抗拒官兵索諾
木又經勸誠亦屬頗知恭順但僧格桑梗頑不法
必期勦滅爾土司等當以為戒若索諾木誠心向化
將來僧格桑或逃入爾境務即縛獻軍門

大皇帝必格外加恩子孫永守勿替爾可傳諭索諾木
遵奉臣見頭人于敬聽之下頗生感畏隨將所送
禮物發還並賞給綢緞煙茶等物該頭人叩謝而
去嗣後有孔撤綽斯甲布等各土司差人請安臣
亦隨時曉諭以小金川跳梁凶橫侵佔鄰封

大皇帝洞悉番情若不及早殲除將來爾等受害更大
是以遣發大兵合力攻勦務須擒縛凶渠埽除其
地俾爾等得安居樂業常享太平爾等尤當感激

皇恩力圖報効頭人等均稱

大皇帝實為我等土司安良除暴凡有用我土司之處
頭人百姓俱願出力等語察其詞色俱極欣喜奏

入

上諭軍機大臣曰桂林奏金川差頭人到營請安送禮
若遽為麾斥轉恐啓其疑貳所見極是桂林隨即剴
切面諭却其禮物給賞遣歸亦只可如此辦理但該
處頭人由何路來至軍營摺內未經敘及雖云金川

與小金川境壤毗連而其中道路究有遠近不同察其經由何路即可識其往來蹤跡并可知索諾木現在何處此等雖是問文末節實為全局緊要關鍵不知桂林曾逐一問及否再金川攻圍革布什咱一事本年五月間阿爾泰初奏止稱索諾木連夜發兵佔據草地寨落並未言及索諾木之是否率衆親往及八月中奏覆曉諭金川之事止稱宋元俊到彼土舍索諾木叩頭跪迎詞貌恭順亦未言其在何處接見

又十一月中奏宋元俊探知小金川屢次差人求金
川發兵阻我大兵糧道歸路宋元俊差人往諭一節
止稱委千總崔文傑前往其巢譯諭索諾木即將已
派之土兵撤去而於崔文傑至何處傳諭更未提及
今索諾木是否仍在舊巢抑於革布什咱相近處所
別有巢穴或即在革布什咱地方統兵佔住遂為狡
窟均未經詳晰聲敘尤難懸揣著傳諭桂林即行查
詢明確據實覆奏至僧格桑之敢於抗命自係倚仗

金川而索諾木亦遂藉彼為要挾內地之計揆其情勢固屬必然但兩酋若已連而為一則當我兵進攻時金川或由章谷一路聚賊拒扼我兵即無由窺入或讓我兵既進賊衆抄出阻我餉道臺站甚或在後斷我歸路皆為可慮而索諾木並不出此又似其尚知畏懼天朝設兩酋勾結已成自必互相援引又豈宋元俊差弁譯論遂能中止若云索諾木之志惟在貪得革布什咱之地因宋元俊曾經含糊允許希圖

將來果踐其言更未必然番夷性素狡黠豈不計及
我兵若攻得小金川擒渠定地自必乘勝移兵辦及
革布什咱之事索諾木安能復保其所佔彼又何所
為而任我之直取小金川坐視不顧耶此又理之不
可解者總之賊計奸詭不可不防彼前此之貌為恭
順或懼官兵聲勢難當姑為觀望之策今既遣人到
營窺我虛實若見我約咱一路現無繼進策應之兵
索諾木竟乘我罅隙從中梗阻所關甚鉅桂林等不

可不加意豫籌以期妥善

臣等謹按金川賊首賊目狡詭異常彼見大兵
進討小金川豈無唇亡齒寒之慮第以小金川
地勢險惡既與金川不甚相懸而又為之助兵
抗拒度官兵漸次攻取已不免曠日稽時至剪
滅小金川後兵力不無疲乏自難再為申討之
局俟至大兵一退不獨小金川坐而併吞即鄂
克什及革布什咱地方亦無難竊據蓋其畜謀

已久故於爾時轉若毫無舉動者以俟機有可乘而不知

天朝全盛兵力豈有不敷我

皇上英明剛斷早決其事之必成務期併殲兩酋永安邊徼彼井底之蛙適以自取滅亡何能逞其機

詐耶

己丑文綬奏言臣接桂林咨稱前奉

諭旨派調陝甘兵三千名業經副將軍溫福咨調不計

外再於陝西酌量選撥精銳兵丁二千名並派勇健將領尅日帶領起程至小金川境內山路險隘惟須擇其近山慣於行走者庶於進剿有裨臣查陝甘兩省俱與川省毗連兵丁慣於陟嶺者頗多應請於甘涼各標內挑兵一千於陝西提鎮各標內挑兵一千仍照舊例以馬四步六派撥務令全挑鎗手並帶長矛庶便于攻剿至于川省山路崎嶇既因馬力難于陟險應請以馬價折給照例令

地方官幫同購辦驛頭以利軍行奏入報

聞

庚寅溫福五岱阿桂奏言查貴州官兵於本月初
十日內到齊大砲亦已鑄成臣等商定十二日夜
不令賊人知覺派兵交待衛三達爾烏什哈達巴
三泰哈薩爾圖佛淪泰伊里布章京佛進泰等令
其佔據右邊山梁攻奪賊人卡座又派章京瑚尼
爾圖等令其佔據左邊山頂又令侍衛賡音素彰

靄喬蘇爾額森特阿爾素納海祿鄂爾霍善章嘉
布章京丕亨保巴彥太等管領滿洲兵丁總兵馬
彪及副將富伸遊擊成德等管領貴州兵丁合力
攻取山頂碉卡臣等隨後接應其餘四川綠營仍
令總兵和邦額福昌帶領在後又派侍衛明仁新
達蘇前鋒參領官達色等攜帶新鑄大砲轟打賊
人碉卡當經派定前進其奪據兩邊山頂之官兵
乘夜上山將賊人十數處石砌攔牆全行攻克牆

內所有賊人俱行殺死攻取山頂碉卡之兵亦至
巴朗拉最高嶺下按隊排列官達色明仁新蘇等
一面放砲攻打賊人碉卡侍衛章京鎮將等一面
各督滿漢官兵直取山頂碉卡施施烏鎗前進十
三日已刻官兵奮力上前先圍住大碉一座攻至
天晚未能摧毀圍守一夜至十四日黎明又令兵
丁施放鎗砲轟打攻至午刻兵丁憤怒奮力衝抵
其下不避鎗石或竟拆碉根或攀上碉頂碉內賊

人全行殺死並將大礮相連之石牆亦全奪佔因
天已晚臣等嚴督官兵各加巡視以戒不虞至
十五日各隊官兵一擁上前奮勇攻打所有大礮
六座小礮兩座又山頂石牆一處全行克取此次
打仗計殲戮賊人數百名拿獲十二名所得鎗刀
等物俱賞出力兵丁此三日三夜打仗滿洲官兵
內侍衛鄂爾霍善腿被石傷綠營官兵內亦有陣
亡受傷者至攻破礮卡時恐有一二賊人脫出潛

匿現派官兵遍山搜捕拿獲即行正法再巴朗拉
係緊要隘口一切糧餉鉛藥等項俱由此路運送
已派四川兵四百名駐守臣等俟搜捕逃匿賊人
完竣即進兵直取達木巴宗奏入

上諭內閣曰溫福等奏稱帶領官兵奮勇攻破賊碉剿
殺賊衆已過巴朗拉等語溫福等以滿洲官兵在前
綠營官兵在後晝夜打仗甚屬奮勉以此聲勢震懾
逆酋賊人必皆胆落不日即可集勲所有此次大臣

官員兵丁奮勇出力宜沛恩施以示鼓勵溫福著賞
給小荷包二對五岱著賞給小荷包三個阿桂著賞
給小荷包一對侍衛章京內奮勇著績應賞給巴圖
魯名號者著溫福查明具奏其打仗奮勉並受傷陣
亡及貴州官兵一并查明送部議敘

上又諭內閣曰前因溫福等進攻巴朗拉時我滿洲兵
丁鼓勇直前實宜嘉獎當經降旨令將侍衛章京內
有出衆効力應賞給巴圖魯名號者查明具奏今溫

福查明除前已賞給巴圖魯之喬蘇爾阿爾素納外
其前鋒章京委署翼長官達色二等侍衛額森特藍
翎侍衛三達爾俱屬奮勉行走著加恩官達色賞給
巴爾丹巴圖魯額森特賞給丹巴巴圖魯三達爾賞
給嘉爾瓦巴圖魯仍照賞給巴圖魯名號之例各賞
銀一百兩

同日溫福阿桂又奏言

臣等欽奉

上諭查巴朗拉一路離美諾一百四五十里較之約咱

轉為稍近且控扼賊匪咽喉並可迅解達木巴宗
之圍茲貴州兵三千名業已全到大砲亦經鑄成
審度事機難以稍為延緩是以臣溫福於本月十
二日晚統兵進攻一連三晝夜將各處山梁大小
碉卡全行奪獲從此直進不難即抵達木巴宗逕
搗賊巢與桂林一路聲息相通臣溫福此時若由
西路回至省城再赴南路約哨計程二千數百里
道路迂迴似屬鞭長莫及總之臣溫福臣阿桂領

兵雖分兩路而辦事實祇一心當此軍務緊要之時或分或合惟有一意併力相度機宜無論赴救達木巴宗與直搗美諾總期臨時悉心酌辦俾得迅速歲事以仰副

皇上委任期望之至意至川省撥來兵內松潘建昌二鎮之兵漢仗尚好未嘗不可振作其餘各鎮兵丁本多選懦而技藝生疎者甚多皆由平日不能訓練而自鎮將以至千把亦乏能事勇練之員為之

督勵實為廢弛已久容臣阿桂申嚴紀律竭力整頓以期行伍起色奏入

上諭軍機大臣曰巴朗拉一路原係賊人緊要咽喉今既得其山梁碉卡已據扼要之勢由此乘勝進攻易如破竹據稱巴朗拉至美諾計程一百四五十里若可從此逕趨美諾賊巢擒獲僧格桑則達木巴宗之圍不攻自解或其路徑形勢必須先攻達木巴宗再赴美諾溫福自能籌合機宜惟聽其斟酌妥辦迅奏

捷音聞小金川賊犯噶塔爾等供詞稱有金川差二
兩頭人來幫僧格桑辦事不知名字等語可見兩酋
久相勾結索諾木竟敢顯然助惡此二頭人亦當與
小金川黨惡頭人一併擒獲重治其罪而索諾木之
罪亦所自取但朕不欲窮兵若僧格桑果能重治就
擒則小金川全局已定即一面傳檄索諾木令將所
侵革布什咱之地盡行退出受約歸巢如索諾木果
知畏懼恪遵則金川原可無庸辦及但須察其是否

誠心懾服所侵之地果否全行退出及所據革布什
咱番戶曾否盡數送還自可宥其已往倘係勉強面
從冀救一時之急而於所侵地界人戶不肯逐一清
還是狼性尚未能馴難保其不效僧格桑故智官兵
甫退彼仍出而滋擾又復成何事體即酌量於切要
處所分駐官兵嚴為控制使索諾木知所做畏不敢
復逞方為一勞永逸再僧格桑此時如已就擒即著
溫福等將逆酋及惡黨各犯嚴行審訊一面奏聞一

面於軍營將各犯分別凌遲斬決示衆仍將逆酋傳
首金川及內地諸土司使共知炯戒再前諭阿桂即
赴甲金達原因趨解達木巴宗之圍今已得巴朗拉
便當從此直入以搗穴擒渠為急務阿桂自應隨溫
福進剿合力歲事

同日溫福奏言臣查巴朗拉一路乾隆十二三年
征勦金川原係進兵正道其鄂克什達木巴宗小
金川美諾等處皆大兵駐札及安設糧臺處所即

以路程計之約咱至美諾一百六十里固為不遠而自巴朗拉至美諾經由鄂克什各寨統計亦止一百四五十里且巴朗拉地勢礪卡固較他處更為險阻而一經攻破已斷賊匪咽喉即可乘勝前進是以臣前次具奏均以巴朗拉為正路至福昌前次駐兵之鄧仍董天弼奏其地為山神溝緊要後路臣查董天弼彼時因改赴木坪進兵則山神溝鄧仍一帶實為後路不可不防其外軼是以留

福昌帶兵駐守今臣既由巴朗拉前進則山神溝
鄧仍向陽坪均在營盤之後已非緊要之地臣業
將福昌及所駐之兵帶至軍營所有鄧仍山神溝
及卧龍岡內外各站不過為糧道臺站所經每處
酌留官兵數十名以資接護通計不過三四百名
實無需專派大員駐守又董天弼現駐之甲金達
原距美諾不遠前次董天弼具

奏攻得牛廠摺內有西北進兵本布爾桑岡即去美

諾不遠由東北四十餘里可以直救達木巴宗若將達木巴宗賊兵攻破則扼斷巴朗拉後路等語是董天弼之所以不逕搗賊巢因達木巴宗更近於美諾而土舍雅滿塔爾又急求赴援之故今臣既統兵攻破巴朗拉前距達木巴宗不過八九十里如何分搗達木巴宗及美諾之處臣當與阿桂遵

旨相機酌辦奏入報

聞

同日溫福又奏言臣接據雲南軍需局稱本年所
調各營馬匹內現由永昌鎮撥解馬八百匹驃二
百頭前往四川協濟軍務等語臣思川省用兵不
特馱載難用牲畜即至官兵臨陣亦因限于地勢
皆須步戰竟無資于乘騎至京兵由滇赴川各站
須馬應付川省業已調撥營馬並各州縣購買之
馬甚為充裕其值亦賤而易得似無藉雲南長途

協濟徒多解送喂飼之煩并恐到川時不無疲乏
是馬匹之來實為無用臣將由滇入川所見兩省
情形札商阿爾泰令其自行酌辦茲准阿爾泰覆
稱南路情形與西路無異已飛咨雲南督撫將此
項馬匹停其起解奏入

上是之

同日

上諭軍機大臣曰前因桂林攻得約咱距賊巢甚近乘

勝窠入約咱自係正路不可無續進之兵是以速論
書明阿王萬邦將所帶之陝甘貴州兵五千名令赴
約咱今桂林等雖經破取東山梁並未乘勝直搗賊
巢是此項續調之兵不過需待接濟而溫福等昨奏
現已攻破巴朗拉即可長驅窠入直趨美諾此時西
路情形較南路尤為緊要而溫福現帶進攻之兵祇
有點兵三千餘名亦不可不添兵策應以期迅速集
事書明阿現帶之兵由維州一路兼程遄行維州距

巴朗拉為近著速傳諭書明阿接到此旨速赴溫福
軍營聽候調遣其提督汪騰龍亦已帶兵迅速起程
著并諭該提督即行催趙官兵速進其餘三千名仍
令星赴桂林軍營俾兩路會合并力攻勦以期尅日
歲功

平定兩金川方略卷十三

欽定四庫全書

平定兩金川方略卷十四

十二月辛卯

上諭軍機大臣曰溫福攻得巴朗拉碉卡在事官兵俱屬奮勉已降旨交部議叙矣此次攻打賊碉滿洲兵固為勇往向前但數僅二百此外分隊進攻貴州兵頗覺得力其弁兵內如有奮勇出色者溫福亦當查明獎拔數人以示鼓勵將脩內或有勞績特著之人

並著據實奏明請旨定奪再總兵馬彪帶兵放鎗攻
碇尚屬勇幹如未賞花翎著即傳旨賞戴俾各將佐
知所獎勸至摺內所稱酌留四川綠營兵丁四百名
留駐巴朗拉防守所辦尚未為妥善我兵現在乘勝
進攻巴朗拉即為後路川兵柔懦無能見賊輒思退
避而該處路徑賊番最為熟悉萬一讓我既過賊復
後出而搶據舊碇川兵必不能奮力擊却少有失挫
致阻我餉道軍臺所關非淺自當於黔兵內酌選二

百並派該營能事脩弁帶領與川兵同駐策應于事
方可無慮至昨奏訊取賊犯噶塔爾等供詞稱官兵
攻得約咱之語該處已不能守是賊中信息往來頗
為迅速若僧格桑知約咱一路已不能守而已朗拉
要隘又為我兵取得乘勢直入賊酋失其所恃計無
復施斷不肯束手就縛而現在美諾賊巢尚有金川
頭人二名在彼管事則兩酋之早相聯絡尤屬顯然
僧格桑勢在窘迫自必預竄金川冀延殘喘此乃一

定之理溫福等若能籌度賊酋去路發兵邀截使其不能漏網便可易於歲功設逆酋已經脫走即勒兵向金川嚴切索取若竟黨惡不肯擒獻則當急請京兵協勦速淨根株惟在溫福等之籌度機宜實力妥辦耳

壬辰桂林奏言臣前因南路兵力不敷商同阿爾泰奏請添兵八千名用資攻勦奉

旨著撥黔陝兵五千名迅速來川備用旋據溫福咨稱

續調黔兵二千名撥赴甲金達一路甘省兵一千
名撥赴曾頭溝一路其餘二千名俱調赴西路軍
營以資進剿則前項官兵五千名並無餘剩而所
募新兵僅有一千數百餘名又因提臣咨請添兵
已就近截留一千名趕赴甲金達接濟所剩更屬
無多雖現在上緊招募多寡難以懸定近接溫福
抄寄本月初六日奏稿內有將來征剿金川尚可
於貴州陝甘二省各調兵二三千名令各省密為

預脩等語伏思三路進攻仰藉

天威自可尅期竣事第索諾木久與僧格桑狼狽為奸
將來移師問罪該酋稍有抗違却當合集大兵力
圖勦滅溫福密派兩省之兵實屬先事預屬有脩
無患惟查約咱一路滿漢兵練共有八千餘名兵
力不為單薄但分布要緊各隘外臨陣兵練不及
二千未能充裕即令招有新兵亦多未經操練祇
可酌配舊兵以資防禦查南路正急需兵可否將

臣前

奏黔陝兵五千名

諭飭來川以資攻勦俾南路得以併力前進辦理更為
迅速奏入

上勅軍機大臣速議具奏是日軍機處覆奏臣等查節
調陝黔之兵已足川省原奏八千之數兵力不可
謂不多且據桂林奏稱約咱一路原有兵練八千
餘名其勢亦非單弱惟因分撥防守過多致所留

不足供征勦之用原係伊等辦理不善所致今桂林既尚未進攻雖多與勁兵亦屬無益而溫福一路已攻已朗拉統兵深入是西路又較南路為急且溫福所帶僅有原調黔兵三千尚恐不敷應用現奉

諭旨令書明阿由維州一路帶兵二千名馳赴西路協助其餘三千名仍令領兵之員迅速帶赴約咱軍營備用是溫福桂林兩路各有續進之兵已足壯

聲勢而資策應且又有後調之陝甘兵三千名業據文綬等奏稱亦經選派起程到軍營後仍可聽溫福桂林酌量調派統前後而計所調各省之兵一萬一千名兵力已為壯盛而續經添調之兵原以備或須併勦金川之用今辦理小金川一事自宜迅速進勦尅日奏續即續調之兵尚恐行程遼遠緩不及事宣宜復議添兵應將桂林所請添調陝黔兵五千名之處毋庸議

上從之

上又諭軍機大臣曰桂林等於十一月二十一日即經
攻得約咱距此次拜摺之期已踰兩旬何以至今尚
無信息桂林在彼安坐所辦何事看來桂林竟是靜
駐約咱專待續調之兵方擬前進殊昧兵貴神速之
道桂林一路已有兵練八千餘名雖云分防各處要
隘何竟用至六千餘名之多前次阿爾泰等分派過
多以致留兵太少不敷進勦之用辦理本未妥協而

桂林到彼何亦不知另為調度仍令以有用之兵置之無益之處乎即如此內章谷一帶與金川所侵革布什咱之地相通固宜多兵防駐其餘碉卡止應擇其扼要留兵屯駐極多亦不過二三千名此外原無庸處處分布朕早經鑒及詳切傳諭何以至今尚任現兵散處防守轉望續調之兵應用乎具陝甘貴州所調之五千兵雖俱報於十二月初起程然相隔路遙即兼程遄赴歲內恐亦未能即到桂林豈竟思於

約咱安坐度歲置進攻為緩圖乎前次桂林統兵奪
取約咱並續得東山梁碕卡頗知奮勉彼時賊人受
創膽寒我兵若乘勝進攻賊必望風股慄易若摧枯
而官兵新勝之後正當勵其銳氣及鋒而用今乃逗
留不進坐致老師不知師老則志隳桂林即未曾經
歷行陣而於事理所在亦未籌度而得豈伊一經擢
用不復黽勉自勵耶前者桂林攻得約咱碕卡距美
諾賊巢不遠惟虞無繼進之兵因諭陝甘貴州領兵

之員將所調兩省兵五千名速赴約咱一路備用原期於事有濟今桂林既按兵不動進勦無期雖多與勁兵亦難迅速集事而溫福攻得巴朗拉帶兵直進已得制勝之勢且其地距美諾亦止一百五六十里是該處又為進攻正路較南路為尤要其緩急輕重原屬移步換形況溫福所帶僅有黔兵三千亦不可無精銳換續現已飛諭書明阿即帶陝甘兵二千名由維州取道趕至溫福軍營應用其餘三千名則令

赴咱約一路以供桂林之用溫福接奉此旨益當奮
勇前進速擒逆豎以副恩眷而桂林亦須力圖奮往
毋再遷延干咎

甲午溫福阿桂奏言臣等于本月十三十五等日

攻克巴朗拉即于十五日分派官兵令將賊人險

要碉卡逐一拆毀其嚴洞林箐處所派兵搜捕獲

賊數名均已正法臣等次日起程行過巴朗拉山

梁陰坡積雪深至二三尺不等循山溝而行道路

在在險仄水凌凝滑前抵松林口樹木陰森內有
碉卡數座賊先遁去又次日帶兵前抵日隆宗賊
亦望風逃竄所有日隆宗寨內鄂克什番衆六名
賊於臨去時殺死五人僅有阿璽一名臨時逃出
臣等詳加詢問據供本月十四日早間聞小金川
頭目七圖安堵爾使人傳說大兵攻打巴朗拉甚
為勇銳若巴朗拉失守松林口日隆宗斷難守禦
汝等應即移往資哩是日又聞傳說甲金達提督

大兵又從蒲松岡一路抄來小金川兵已逃一半
就要進至達木巴宗對而十五日又見畢旺拉德
爾密守卡賊人因巴朗拉已破相率退回其守日
隆宗之頭目魯勒爾即帶賊衆竄去等語臣等查
點寨內所存婦女幼稚六十餘人率皆貧苦不堪
臣等正在查辦間所有跟隨常保住董天弼之侍
衛哈爾九等從達木巴宗來至日隆宗稱董天弼
等於本月初八日由蒲松岡小路進兵十四日早

已抵達木巴宗賊人即來接伏官兵獲勝賊人隨
於是日逃竄救出鄂克什土司並攻得木耳宗等
語是晚鄂克什土司色達克拉來營進見叩首感
泣稱土司懦弱無能為僧格桑欺凌佔據各寨並
圍達木巴宗百姓被圍以來為鎗砲所斃及餓死
者幾及一半寨內現存三百餘人僧格桑屢次逼
降土司因世受

天恩斷不肯為其所屬如今糧食已盡不保旦夕仰蒙

大兵迅速前來垂救餘生土司惟有世世子孫感戴

鴻恩等語

臣

等諭以僧格桑侵擾爾境並敢抗拒大兵

實為罪大惡極爾能堅守數月之久實屬可嘉現在官兵已將爾各土境克復爾當招集百姓令其乘時耕種加意撫綏並宜安分守己毋致稍釀事端至爾地方百姓殘破之餘本將軍等不忍再派出兵惟須派熟識道路之人十數名以供隨營差

遣該土司聞言叩謝去訖臣等又於次日前抵達

木巴宗色達克拉將從前被圍時打仗擒獲賊人

及此次突圍夾擊所獲一同獻出臣等並將沿途

所獲賊衆共二十名逐一嚴訊錄取供詞進

呈外即將各犯悉行正法其自巴朗拉以至達木巴

宗舊有寨落百餘處俱交議土司收管至臣阿桂

仰蒙

恩命署理提督印務茲董天弼已抵達木巴宗臣阿桂

即行接印任事現將該營一切事宜竭力整頓即與臣溫福並力進勦奏入

上諭曰兩路官兵會合正當乘勝進攻務擒僧格桑以完此事速待捷音之至

同日

上諭內閣曰董天弼自辦小金川以來屢次失機且敢捏調諱飾其罪實無可逭是以前有旨將伊革去提督以兵丁留於軍營効力贖罪如尚不知悛改即挈

解成都監禁請旨辦理今伊于十五日攻解達木巴
宗之圍並收復鄂克什各寨及攻克木耳宗等處看
來此次官兵頗屬奮勉必係常保佳到彼帶領滿洲
兵丁鼓勇直前因而綠營知所觀法是以辦理畧有
起色但董天弼究係在事出力朕不肯竟置之不論
已傳諭溫福等宥其一死仍留軍營効力贖罪所有
出力之哈爾九等各員著溫福查明具奏以便論功
賞錄至鄂克什地方俱為小金川侵佔並聞小金川

將鄂克什之人派往他處守卡則凡賊中卡隘一聞官兵來到即當倒戈相向伊等與小金川切齒深仇斷無轉為賊酋効命之理招致自為更易何以官兵各路進攻摠未見有似此籌辦者即着溫福一併查奏又董天弼奏稱前在牛廠因派兵往佔通小金川之要路適過賊番從山壓下陣亡千摠俞啟龍等四員把總王澤達等二員兵丁六十餘名土兵屯練數十名等千把總等身為武弁恒怯無能遺失鎗砲

雖死不足惜均無庸按例予恤其兵練等雖同屬無
用究為帶兵劣弁所誤亦止可照陣亡例減半賞給
並交溫福于軍務告歲後查明辦理從前曾諭攻克
小金川後將其地分給附近各土司管轄今思仍不
離乎鄂克什及明正各土司伊等委靡成習難以望
其善自保禦官亦無久為代防之理而索諾木狼子
野心難於馴化或現因懲創小金川畏懼歛跡及至
官兵既撤允渠故智復萌小金川地界毗連彼復出

而侵擾倘復為其蚕食則是官兵所費力平定之小金川陰以授之索諾木實為非計按該處形勢而論巴朗拉為小金川後路而約咱一帶乃彼險隘其地接近章谷與金川接壤章谷又近打箭爐皆不可不熟籌善後之策莫若即於小金川境內酌擇善地可以駐兵者添設派兵一員統兵鎮守便西南兩路皆可照駐方足以控制土司消其反側而打箭爐復照註藏大臣之例添派副都統經理番夷之事更為妥

協卽歲需糧餉稍多而此次用兵所費軍需自不止於百萬較彼多寡勞逸若何且兵額亦不必盡行添設或于內地重慶等鎮酌量撥往挹注尤為便易卽總兵之或添或移亦可從長計議此事甚有關係著溫福桂林阿桂悉心熟籌妥議具奏

臣等謹按巴朗拉初次進攻因為川省綠營所誤以致不卽奏攻克巴朗拉時黔兵稍著勤勞仍蒙特旨獎掖以昭鼓勵至董天弼遷延欺飾遲之又久始

抵達木巴宗其咎實無可逭而隨征之哈爾九等仍令論功錄賞功罪所在既絲毫不相假借而賞罰隨之凡在戎行知出力者功雖微而必錄其疇不踴躍銜

恩爭思効命也

上又諭內閣曰溫福奏雲南昭通鎮遊擊成德攻勦巴朗拉奮勇先往實為得力之員現有四川城守營叅將缺出可否即以陞授等語成德著加恩補授四川

城守營叅將以示鼓勵

同日溫福阿桂又奏言臣等於十八日前抵達木
巴宗親至土司寨內察看情形該土司率其妻子
及大小頭人百姓跪迎並稱此次蒙

大皇帝天恩發兵救援得以再生亦賴被圍之先有官
兵土練及從前存留糧石土司始能與洪把總等
協力堅守至今等語臣等即傳把總洪廷瑞備訊
半年有餘情事惟陳把總于本年四月內派赴達

木巴宗坐汎該處有錄營兵二十名又有土千總
阿吉土外委德爾什雍忠帶領土練二百名又有
六月初五日半夜小金川有一千多人將達木巴
宗圍住又截斷城外水卡土舍雅滿塔爾向把總
借土練一百名并鄂克什百姓同阿吉德爾什雍
忠出寨打仗奪回水卡並擒獲二十八名午後又
打仗二次擒獲六人一同收繫地窖後因無米給
食陸續餓死現在止剩三人小金川見雅滿塔爾

勇幹恐其衝突因於東西北三面修卡四十九座
南面對河又築起木堤長有半里圍定達木巴宗
常用鎗砲攻打土司被圍之後糧食短少即向把
總告借官兵所貯口糧把總因係官物不敢就給
後來察看光景如果不給便有不能固守之勢遂
每月給米三十乃以資食用至十一月初十日口
糧已盡把總無奈轉向土司借糧第一次土司借
與官兵每人一斗至二十一日食盡土司又向番

民借得雜糧每人八升至十二月初三日又盡復
向百姓湊借雜糧並酒糟菽穀每人不及三升十
二月初九日以後合寨糧食俱盡只煮牛皮度日
把總記憶十一月二十三日接到雅滿塔爾回信
寨中上下人等始知救兵將至心都安定十二月
十三日夜望見東南山角上有火光十四日辰刻
聽見鎗砲少頃見山頂上有官兵而小金川賊入
亦在半山拒敵把總同土司派出土弁土兵開寨

接應與賊人打仗殲斃數十人並奪取砲位刀矛等物山上官兵望見知有接應兩下夾攻賊人滾山逃走官兵就近進寨會合等語臣等復傳阿吉等詢問所供相符查洪廷瑞以微末弁員能與土司併力固守至六七月之久瀕死不懈實屬可嘉現有松潘鎮右營千總員缺臣等即以洪廷瑞陞補以示獎勵其土千總阿吉土外委德爾什雍忠俱係番人能明大義臣等亦酌給阿吉土守備職

銜德爾什雍忠土把總職銜庶使邊徼番人共知
觀感至所駐達木巴宗綠營兵二十名現存十八
名土練二百名現存一百四十九名該兵等久經
被窘困苦疲瘦不堪留於軍營無益臣等酌賞盤
費令其各回本營本處入堡寧家再查該土司地
方蹂躪之後流亡甚衆不但所屬番人已多餓斃
即土司家屬亦口食不周情形實為可憫臣等量
賞該土司數日口糧又飭藩司會同松茂道速即

聞

詳議借給籽種俾得赴種春田漸復舊業奏入報

同日桂林奏言

臣

等督兵進攻卡了地方因喇嘛

寺賊人尚在據險防守我兵不能繞越此寺山梁
隘口進取甲木是以前遣喇嘛二密赴議寺暗行
勾結以便易於得手昨遣去喇嘛回稱寺內喇嘛
因賊番屯佔均已散往他處僅存五名以借香火
據稱我等極願投誠奈賊番有二百餘名看守嚴

密難以內應等語

臣

等思既已差人查探若稍有

遲延走漏消息恐反墮其術中當與阿爾泰悉心
商酌令總兵宋元俊等統率官兵於十六日戌刻
密赴山梁守備陳定國帶領熟習山梁漢土官兵
潛由山梁進發越嶺攀崖沿溝繞行數里轉至該
寺附進之處暗伏深林約定次日寅初山前砲響
即行攻奪

臣

同阿爾泰鐵保督同總兵英泰叅將

薛宗及侍衛章京將倫等帶領現有之滿漢兵練

於黎明時刻放大砲排鎗大作喊聲進逼卡了以
為聲東擊西之計俾賊番引衆來拒不能兼顧宋
元俊等已預飭所派伏兵同時並發突出奮攻砍
奪木柵賊番猝不及備勢已張皇祇於碉內喝令
賊番拋擲石塊我兵乘勢搶進木城合力攻擊賊
番驚棄奔逃我兵分頭追擊殺死賊番九十三名
帶回乞降喇嘛五名攻獲木城八座小木城石卡
二十六處喇嘛寺碉寨二十八座並獲刀矛烏鎗

等件各兵乘勝搶佔該寺東向之墨爾多山梁一道我兵帶傷三十四名業經照例分別輕重給賞其喇嘛五名雖無助逆形跡但究與賊人同處未便仍留該處即飭弁解交內地收管事竣之日再行酌量安置一面派撥官兵分駐東向山梁斷截西山梁賊碕水道以期不攻自潰一面佔據南北隘口寨探山後路徑以便進取甲木并訪聞甲木地方尚有別路可通僧格宗而僧格宗衆賊酋緊

要碉寨若果得一間道可通進取更為便捷惟是賊酋見喇嘛寺已失必於各隘嚴加防範因令探路員弁速即查明設法籌辦現有督率加防等進取卡了雖連日攻打賊番僅于碉眼內放鎗並不明為對仗而官兵士練等感奮倍加一有可乘之機即鼓勇向前萬不敢少存顧慮坐失機宜奏入上諭曰一切布置合宜欣慰覽之於無意中用汝竟能得力亦賴半載在軍機處日聽朕訓也今溫福等已

過巴朗拉解達木巴宗之圍正逆賊喪胆之時想不日即聞捷音矣

同日桂林又奏言

臣

查明土司地方類皆層巒複

嶺番人不過於山頭地角栽種蕎麥青種以為生計即令約咱一路南山綿亘中央大河山形環互相連水勢亦依山曲折循河而進陰各要隘賊番修立戰碕防守外其餘山頭水繞之處均有平碕番民居住安放砲眼分別沿河上下或聚成寨落

或散布岩阿無事則藉以棲身有驚即用以抗拒
河邊多有懸岩碉卡分據兩岸官兵攻奪時須設
法渡河不能沿山直入而美諾距約咱一百數十
里其達烏僧格宗等處俱係小金川緊要地方故
前此繪圖貼說其間形勢尚多未能詳晰且距美
諾尚遠勢難堵截一俟深抵賊巢能否沿河斷其
去路臨時相機酌辦奏入報

聞

平定兩金川方略卷十四

欽定四庫全書

平定兩金川方略卷十五

乾隆三十七年壬辰正月戊戌

上諭內閣曰昨年四川輪免正賦並有旨該省民番該
雜糧各項一體蠲免俾得普霑愷澤現在辦理小金
川一事調撥大兵克期勦滅所有一切軍需供應俱
發帑撥給備用絲毫不以累及閭閻惟是運送糧餉
軍械間亦酌用民力雖並給與口糧腳價而小民不

無勞瘁朕心深為軫念著該督等查明該省官兵經過之各州縣將本年錢糧再行先予緩征俟凱還事竣之後分別等次奏明請旨候朕加恩以示軫恤邊氓之至意該部即遵諭行

同日溫福奏言

臣前奉

諭旨以小金川何以用演化禪師印信此印並非新定清篆何以存留未換茲據李本詳稱現在小金川土司澤旺之始祖多爾濟嘉勒生子拉木布拉木

生子三人長子嘉勒塔爾巴次子嘉勒布思來其
庶子拉旺巴察即係金川莎羅奔之父嘉勒塔爾
巴於康熙五年投誠頒給金川寺演化禪師印信
傳至乾隆八年澤旺承襲其職乾隆九年澤旺請
換演化禪師字樣因舊銜相傳已久本因夷番聽
信喇嘛假此名號以示懾服未便更張又乾隆十
四年頒行改鑄清篆經前任四川總督策楞奏明
各土司距省遠近不一通行飭換恐愚番無知或

生疑懼應於承襲時再行請換今澤旺承襲在乾隆八年未經換印之先是以未及改用清篆但志書將嘉勒塔爾巴投誠之處紀在順治九年其為舛誤無疑謹繕摺覆奏奏入報

聞

同日溫福阿桂奏言

臣

等於十二月十三十五等

日攻破巴朗拉收復達木巴宗官寨現今賊又在達木巴宗以西多築碉卡併力拒守此處距美諾

不過七八十里每於山岩高處隱隱聞有砲聲

臣

等揣度地理必係桂林軍營所轟之砲大約相離

不遠惟是桂林軍營攻勦之兵僅有二千餘名自

應酌量添撥前往以壯聲援查續調之貴州兵二

千名已據陸續具報起程計算程途約於正月初

十日以內可到

臣

等現駐軍營若前往約咱一路

須由打箭爐章谷前進約於正月外方到

臣

等已

朗拉甲金達兩路兵已會合

臣

溫福處現有兵三

千餘名

臣

阿桂處現有兵二千餘名兵力不為單

弱所有續調陝黔兵五千名儘可酌撥二三千名
前赴約咱應用但桂林處除新募之兵實在須添
若干且約咱路甚遠所調三省兵內從何處行走
者較為捷近

臣

於接奉

諭旨之日業已飛劄詢商桂林令其即速酌定逕行飭
知沿途帶兵將領就近前往方不致於不濟事

臣

等雖分路進兵而所辦原屬一事惟期迅速同抵

美諾則兩路即為一路於事方為有益再

臣阿桂

現已接辦提督印務所有川省新募兵丁前經董

天弼檄調一千名赴甲金達軍營已到者只有四

百名

臣

查此項新募之兵原係應赴桂林處備用

今南路正資添兵聲援是以將未到兵六百名飛

行前途截住令其逕赴章谷一路自可剋日抵營

奏入

上諭曰若克美諾獲僧格桑原可破索諾木之膽俾其

獻還革布什咱侵地以完此事也但善後之計當熟籌耳

同日溫福又奏言

臣

前因金川索諾木藉小金川

以要挾內地求給革布什咱其情可惡而宋元俊措詞譯諭恐不免含混其詞有許給革布什咱之事茲桂林據宋元俊稱該酋原有求給革布什咱之事因現在辦理小金川勢難兼顧曾答以爾若不出兵幫助小金川並取齊各土司印結或可代

為轉稟定奪不過借此暫為駕馭並無私行許給

之事

臣

查宋元俊譯諭金川措詞已不免遷就而

所稱索諾木出兵五千幫助小金川之處亦涉張
大其詞但審約咱一路興革布什咱毗連現今專
力攻勦小金川則安頓金川使不敢顯然助惡亦
屬辦理之上法此時自應恪遵

諭旨如宋元俊前說果屬含混亦且不必令索諾木知
之臣總俟勦滅小金川後再行察看情形籌定全

局奏入

上是之

同日溫福五岱阿桂奏言

臣

等克取巴朗拉之後

直抵達木巴宗賊衆惶懼退守資哩等處

臣

等將

達木巴宗之事畧為經理即派兵一千登北邊山

梁又派兵一千登南邊山梁俱於十九日黎明佔

據最高之處

臣

等率領大隊前進約行十里許將

賊人所據之橋攻開前進惟是兩旁之山賊俱建

碉堅守山坡溝口亦連建石卡每處約五六座不
等又有大碉六座排列於仄路之間約有賊數百
人踞險拒守我兵施放鎗砲攻至二十日辰刻已
將碉外賊人全行擊斃賊惟堅守碉座迎面放鎗
以相抗拒而兩旁登山官軍隨將所過碉卡攻取
凡林箐埋伏之賊亦俱勦殺併縱火焚燬石卡六
七座賊人勢急來衝俱被我兵殺死餘賊走竄入
碉內第我兵自十二日攻取巴朗拉以來共閱九

晝夜並未休息兵力不無疲乏而自巴朗拉所裹口糧亦將不繼若再嚴催攻取碉座恐致多損兵丁_臣等即將所得碉座盡行拆毀仍派官兵作為進攻之勢使賊擾亂驚懼一面飛催口糧一面遣人各處探路以圖一舉集事奏入

上嘉之

同日貴州提督拜凌阿奏言_臣於十二月初三日卯刻接定邊右副將軍溫福來文內稱前奏備撥

黔兵二千名奉

旨作速發往

臣

即飛飭各營揀選年力強壯官兵製備

堅固器械令總兵王萬邦等將兵二千編為四隊

已於十二月初七初九十一十三等日起程奏入

報

聞

壬寅桂林阿爾泰奏言

臣

等察桑格宗距賊巢不

遠層列堅礮佔據要隘為赴美諾必由之路現在

分兵截卡了一經得手即當設法籌辦至前繪地圖原祇就賊人緊要處所粘簽其間尚有臨河分布碉寨數十餘處名目甚多兼之山勢環互曲折而甲木等處俱被大山遮掩未能備載現復詳細繪圖再行恭

進臣等查看喇嘛寺情形西南兩面俱係陡壁懸岩所佔寺傍東向山梁名墨爾多山為該酋封禁之所當飭官兵將樹木盡行砍伐縱火沿燒用以闡

清山境其寺面翻山之處有間道一條前差探路
人回據稱此路險仄難行然猶可攀援而上據甲
木十餘里中隔郭松一寨約有數十戶茲於本月
二十四日接大學士溫福咨稱已攻過巴朗拉復
接董天弼來咨克復達木巴宗併攻獲木耳宗臣
等思兩路既經獲捷賊人正當窘迫之時攻勦機
宜尤難刻緩雖南路兵力未能充裕然該酋自顧
不暇諒亦不能別為掩襲之計隨與宋元俊等悉

心籌畫密抽附近各隘官兵克期一兩日到齊
臣
即督同侍衛將備等分隊率領連夜進攻奏入
上諭曰所見俱合機宜佇俟佳音當乘機速入擒獲逆
賊也

同日桂林阿爾泰又奏言現在分路進剿小金川
所有糧運軍需及沿途驛遞均關緊要必得專員
經理方不致有顧此失彼之虞查巴朗拉甲金達
兩處均距省八百餘里約咱一處距省一千四百

餘里雖各臺設有糧員各站派有營弁並另委文武各員往來查察尚不致於貽誤第兵數愈增軍行愈遠一切倍難策應現奉

諭旨飭令藩司李本專司驛站第該司現在省城總局承辦軍需並代審案件若令該司逐站挨查三路寫遠不能兼顧應即揀派大員分管三路夫糧驛站等事俾各有專司庶諸事得以就理除原委總辦巴朗拉糧務之松茂道查禮業經溫福調赴曾

頭溝外臣等擬飭知府江權駐劄卧龍關總辦巴
朗拉一路建昌道白瀛駐劄木坪總辦甲金達一
路臬司李世傑駐劄打箭爐總辦約咱一路以重
責成遇有軍營緊要事件即由該司道等就近承
辦較之由省轉行更為迅速奏入

上嘉之

同日桂林阿爾泰又奏言現在進剿小金川分兵
三路會攻所需軍糧火藥鉛彈業經設立站夫逐

程背運其陝黔兩省續派官兵亦即飛調來川兵
數愈多需糧愈急必須各站加添夫役及時趕運
始無貽誤第查向例運夫惟出口安站始於工價
之外每日給口糧一升而內地站夫止給工價不
給口糧今各處臺站人多食衆米價漸昂如巴朗
拉一路之汶川縣木坪一路之天全州約咱一路
之打箭爐等處均係山地產米本少價尤昂貴
臣
阿爾泰在四川總督任內歷今九載陸續倡捐義

倉米穀各屬共有二十餘萬石原以預備緩急之需際此軍興重務莫若將此項義倉米穀撥給內地各站作為口糧以資調劑臣等現在飛飭附近三路各州縣一面先行碾發義倉穀石一面於常平社倉穀內借動接濟俟軍需事竣將運程隔遠之處所存義穀運補還項其沿途運價應請暫借正項動用計各處義倉米穀尚有餘剩擬於明歲青黃不接之時平糶抵款至兩路官兵將次會合

計日可以擒獲逆豎所有陝甘之兵即行檄止以
省往來之勞奏入

上諭軍機大臣曰桂林奏現抽調各隘官兵剋期進剿
俱合機宜惟所稱若獲僧格桑陝甘之兵即行檄止
以省往來之勞尚於此事全局未能通盤籌核計原
調之陝甘兵三千業經書明阿等帶往西路其王萬
邦所帶黔兵二千已於十二月二十六日到成都即
日馳赴約咱一帶是兩路繼進策應之兵均已不少

現辦小金川之事自無虞不敷但官兵尚未進抵美諾僧格桑之能否迅即就擒尚難預料或僧格桑竄入金川而索諾木之遵諭縛獻與否亦未可定即僧格桑立就成擒而索諾木所佔革布什咱之地必當令其盡行退還不敢再犯方為完局是善後事宜關係尤為緊要亦須厚積兵力以壯聲勢豈宜遽議撤兵朕實不欲為黷武窮兵之事但此次用兵所調不下二萬餘名所費亦為不少朕不肯靳惜費用此溫

福桂林所深知者若經理不善致此次軍旅徒勞將來仍貽後患朕斷不肯為遷就苟完之計除飛諭汪騰龍所帶之兵不必撤回仍即前赴川省軍營備用外著傳諭溫福桂林仍遵朕前次所降之旨於平定小金川後相度善地設鎮駐兵方為一勞永逸溫福等縱不能計及數十年百餘年久長之計若十餘年亦不能令其帖服即係伊等此次經理不善所致將來索諾木或復有蠢動惟溫福桂林是問

臣等謹按軍旅之要必在識炳先機而慮周事後桂林奏獲取僧格桑之後即思檄止陝甘之兵以為節省計乃一經

聖明指出寔覺智慮未周蓋以僧格桑之狙詐斷不肯束手就擒勢窮遠竄必以索諾木為狡窟在索諾木之負隅猖獗亦必不肯即為縛獻審情度勢久已上紆

宸慮

爰命八旗勁旅合力進征以期一勞永逸假令邇時遽
撤陝甘之兵則日後攻剿資哩僧格宗正賴此
項官兵接應勢又將以旋撤之兵復行征調不
特道途之供應益繁且使進討之師多需時日
是欲節費而轉失事機也

皇上籌及萬全明切曉示於二豎情勢洞悉無餘軍符
徵發夫豈得已哉

乙巳溫福五岱阿桂奏言

臣

等自到達木巴宗後

乘勝前進業經攻取橋梁碉卡嗣遣人探路回來
告稱現在我兵所據之橋其北山後相近別斯滿
地方可以繞通資哩但山大路險稍覺紆遠又橋
南大山亦有一路可通資哩名瑪爾瓦爾濟但林
木甚密溝澗亦多等語臣等思若派官兵由此二
路遶過賊人所據守之斯底葉安而大兵又由正
路進攻三路夾擊似更得力二十五日晚派令總
兵馬彪侍衛額森特等帶兵前往由北邊大山前

進總兵牛天昇侍衛阿爾蘇納等帶兵由南邊大

山瑪爾瓦爾濟一路前進

臣

等帶領官兵由中路

進攻是日

臣

等且戰且行將南北兩山及山溝山

口所有碉卡盡行攻克進至斯底葉安山口甚窄

兩傍俱係陡壁賊碉正當路中又於碉旁山上築

卡斷路嚴密防守因派侍衛喬蘇爾哈薩爾圖彰

嘉布瑚尼爾圖等攻取兩山邊所有石卡

臣

等令

委署翼長官達色侍衛明仁新達蘇等用新鑄大

砲轟擊碉樓至二十九日巳時盡行攻破賊衆除
剿殺之外餘皆逃竄大兵前過斯底葉安將附近
地方分兵搜勦現在巳至資哩其派往北山一路
之馬彪等帶領官兵盡克一路碉卡見山頂約有
四百餘賊當即殺死百餘遂於資哩會合其派往
南山一路之官兵行至山頂見山梁上有木卡十
座賊衆約有六百餘人我兵攻破頭卡賊即避入
第二卡中至夜潛出搶奪我兵連戰三晝夜盡得

木卡十座斃賊甚多二十九日亦於資哩會合現
在乘勝而進賊人紛紛逃竄盡入資哩寨內固守
已經三面圍困查三路兵丁自二十五日至二十
九日五日四夜攻取賊寨碉卡共百餘座殺賊二
三百名此次打仗瓦寺木坪土兵皆能奮勉出力
今自資哩至美諾一路雖尚有木闌堪鄂克什舊
官寨及路頂宗蒙固等寨但賊衆不過倚恃山高
碉險一處既失又退守一處抵死支延臣等當鼓

勵官兵攻破資哩迅抵美諾奏入

上諭內閣曰溫福等分遣官兵三路夾擊破碉殺賊殊屬可嘉溫福等將此次打仗奮勉並受傷陣亡之滿洲綠營官兵及瓦寺木坪土司一併查明造冊送部議叙議卹

同日溫福阿桂又奏言

臣等接奉

上諭曾頭溝為小金川後戶或從間兵夾擊以制賊勢未為不可著溫福與桂林彼此熟商應作何分兵並

住兵之處妥協辦理

臣

等再四熟籌並將各省官兵路

程分晰計算查總兵書明阿所帶固原兵一千名
昨報於十二月二十六日已抵維州所有三稜谷
土兵先經催派齊全會合進發不過二三日可抵
曾頭溝地方其離軍營亦僅一百數十里若令繞
赴約咱仍須由汶川回至省城再從雅州打箭爐
等處前往紆回幾及三千里曠日需時實恐鞭長
不及且

臣

等已破斯底葉安一帶由此攻取資哩

及鄂克什舊官寨等處逕擣賊巢與未過巴朗拉
時情形迥異若曾頭溝一路有兵擣其後戶直取
底木達及布朗郭宗則美諾斷不能守於事實為
有益其西寧兵一千名本與固原兵同路前來若
撥赴約咱亦須回繞一月之程臣等愚見不必令
其逕抵鄂克什一帶俟臣等攻抵美諾即令其覓
道往迎桂林較為逕捷臣等一面咨會桂林一面
即行知書明阿令其速赴曾頭溝其帶領西寧兵

之副將色倫泰令其速赴西路至貴州兵二千名
必須從成都行走現可先後抵省前往南路本無
繞道之煩臣等亦札知桂林及軍需局令此二省
官兵三千名速赴約咱以資接濟奏入

上是之

同日溫福又奏言臣接奉

上諭總兵福昌著革職効力贖罪所遺之缺著宋元俊
補授但宋元俊現在桂林軍營福昌所屬綠營兵丁


著溫福於副將頭等侍衛及叅領內揀選一員署理

臣

揀得委署翼長前鋒叅領官達色熟諳營務令

其暫署松潘鎮總兵奏入報

聞



平定兩金川方略卷十五